

真常之道得矣所謂照心者即天心也真常者即無妄也了悟此心則有妄之心復矣无妄之道成矣无妄所以次後也易曰復其見天地之心乎到這裏纖芥幽微悉皆先照至於如如不動了了常知至覺至靈常清常靜真常之道至是盡矣聖人能事畢矣

太上老君說常清靜經註終

太上赤文洞古經註

龜

山

長

筌

十

註

操真章上

有動之動出於不動

有動者應機也無動者抱元守一也歸根復命也故經云清者濁之源靜者動之基唯精唯一允執厥中夫物芸芸各復歸其根歸根曰靜至靜不動也有為之為出於無為無為則神歸

神本湛寂感而遂通不得已而後起隨機接物妙用無窮去智與仁故循天之理淡然而無極而衆妙歸之

神歸則萬物云寂